

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput VIII

urn:nbn:de:bsz:31-97032

CAPUT VII.
DE CAMMARO & CONCHA
MARGARITIFERA.

Cammarus cancer est fluviatilis: In ejus capite bini lapilli, globi dimidiati, plenilunio reperiuntur figura. *Agricola* vesci carne dicit. Nam & in nassis rodit lucium. *Alb.* & carnibus in Danubio navibus alligatis, inque aquam suspensis, magnam cancrorum adherere multitudinem scripsit *Gesnerus*. Junio mense ad pascua exire, ranas appetere, & herbis vesci quidam prodidere. Lacte sine aqua potatus, multos vivit diebus. In aqua per dies tredecim vivum conservavit *Gesnerus*. In vino sublimato & accenso positus statim rubescit, & vivus inter coctos apponi potest. *Georg. Pictorius*. Mares à fœminis facile discernuntur. Nam illis ea parte qua corpus ad caudam continuatur subius, quatuor longæ & prominentes adsunt virgulæ, desunt his. Cauda etiam illorum rotundior, planior ac spissior est. Pulverem ex oculis eorum cum aqua foliorum perfici potum, post venam sectam. *Leonellus Faventinus*, ad notham commendat pleuritidem. Dentes infricatus pollen dealbat & purgat. *Concha margaritifera* interdum tam grandis in India reperitur, ut referant, in Mari Insulæ Borneo inventam, cujus caro pondo septem & quadraginta librarum pependerit: de quo tamen dubitari possit.

CAPUT VIII.
DE COCHLEA.

Cochlea quas Pomatias Dioscorides appellat, plurimæ in montibus Tridencinis reperiuntur, illæque præstantissimæ. Eruuntur è terra & frutetis hyeme, uncis quibusdam ferreis, prope fruticum radices circumfossa terra. Contra frigoris injuriam albo reguntur ope-

operimento, gyphi referente speciem, sic terra se condunt, contextæ gratiores dein in cibis. *Matthiolus*. Oculos in summitate cornuum habent, illosque appropinquante aliquo in cornua retrahunt, cornua in caput, caput in corpus. *Albertus*. Ova pariunt candida, oculorum lucii piscis magnitudine, & incubantes mense Majo reperiuntur. *Gesnerus*. Albertus ex putredine & viscoso generati tore voluit, viscositatemque illam in testam durefcere. Idem *Porta* placuit. *Phytol. l. 5. c. 4. Plin. l. 9. c. 5.* Tempore hyberno nasci scitbit. Vivaria earum instituit Fulvius Hirpinus in Tarquinienti, paulo ante civile bellum quod cum Pompejo. Magno gestum est, &c. *Plin. l. 9. c. 56.* Impeuntur in Scyatho insula perdicibus, sed easdem, qui ex genere earum ationes vocantur, decipiunt. Egressæ enim testis suis pascuntur, inanes ardeis & perdicibus relinquunt. *Alian. l. 10. c. 5.* *Andreas Furnerus Gallus*, ad capillos multiplicandos ex eis refert hoc remedium. *Limaces trecentas sui testis exemptas, in aqua discoques, & extractis denno, pingue quod supernatat, colligas; idque in vase vitreato recondes, & superinfundes sextarium aqua in qua folia Lauri decolcta fuerint; & tria cochlearia olei de oliu, mellu cochleare unum, croci scrupulum, & parum saponis Veneti, & cochlearium communis, modice conquassati. Bulliant simul omnia. Hoc liquore capillos sapius inunges, & lavabis lixivio facto de cinere combustorum brassica caulium, (locus est obscurus vel corruptus) & percipies pilos quotidie augeri.*

CAPUT IX. DE CULICE.

Culicum magna est in Agypto copia. Hinc *Herodotus* Conopæam appellat, & *Bellonius Obs. l. 2. c. 35.* ita se prima nocte ab eis vexatum scribit, ut postmodum exanthematibus laborare videretur. In diversis Indiæ locis culicum sunt species, quarum alia æstivo maxime tempore, expurgatis campis, in sylvis abundan-